



ISITHOMBE: SITHUNYELWE

ISIZINI ye-21 Icons ivula ngomsunguli weBlack Like Me namuhla.

Usesize inqwaba yabesifazane abangamazi uMashaba

QHIPHOTHEKA:

NAMUHLA kwiSABC 3 ligamanxe elesi-8 ebusuku kwi-21 Icons, kuvezwa impilo yowesilisa osesize inqwaba yabesifazane kodwa bengamazi. Lowo nguHerman Mashaba ouwumsunguli weBlack Like Me.

Uhlelo i-21 Icons luveza osaziyawo baseNingizimu Afrika abane sandla ekwakheni leli zwe. Kulolu hlelo kuvezwa osomabhizinisi, abaculi, abezobuciko, osopolitiki nabenzi bokuhle abanikela cishe ngakho konke.

I-Black Like Me abesimame abanangi bayayazi futhi bake bayisebenzisa.

UMashaba uzokhuluma ngempi-lo yakhe esakhuliswa ngunina obesebenza ukuhlanza izindlu zabantu.

UMashaba usungule iBlack Like Me eneminyaka engama-24 ubudala engenalutho kodwa namuhla le nkampani isisabalele kulo lonke leli futhi isiyenze izigidi zemali.

"Ngaqala ngidayisa izinto ezahlukene ngizidayisela ebhuthini yemoto.

Lokhu kungivule amehlo ngezinto zasekhanda njengoba nama-salon ebevulwa ezindaweni eziningga emalokishini ngalapho bengidayisa ngakhona," kusho

uMashaba. Namuhla i-21 Icons ibuya okwesibili njengoba igcine ukuvela ngowezi-2013 ngoMfumfu (October).

Kulolu hlelo kuvezwa impilo yabakuleli abenza izinto ezhinle nabavelele emikhakheni abakuyo.

Sekuke kwavela umengameli wakuleli wokuqala wentando wen- ingi uMnu Nelson Mandela, uMnu FW de Klerk naye oke waba ngumengameli kuleli, uMbhisobi oMkhulu osethathe umhlalaphansi uDesmond Tutu, umhlengikazi uNkk Lilian Cingo, abaculi uHugh Masekela noYvonne Chaka Chaka nabanye.

noSAMUKELE DUMA